



Steffen Adler

Saksbehandlar, innvalstelefon

Bjarne Otnes, 71 25 85 75

Dispensasjon for å samle inn insekt i Småvollen naturreservat

Statsforvaltaren viser til søknad 06.05.2022 frå Steffen Adler om løyve til innsamling av insekt i Småvollen naturreservat i Sunndal og Oppdal kommunar.

Søknaden

Steffen Adler i Nibio søker om dispensasjon for innsamling av insekt i Småvollen naturreservat i samband med ei nettverkssamling for feltbiologar i juni 2022. Innsamlinga vil skje med lysfelle og insekthov.

Lovgrunnlag

I naturreservatet er alt dyreliv freda mot skade, øydelegging og unødig forstyrning, jf. § 3-2 i verneforskrifta.

Statsforvaltaren kan gi dispensasjon frå verneforskriftene dersom det ikkje strir mot verneformålet og ikkje påverkar verneverdiane nemneverdig, jf. § 48 i naturmangfaldlova (nml). Søknaden må også vurderast etter prinsippa i naturmangfaldlova §§ 8-12, jf. § 7. Prinsippa omfattar vurdering av kunnskapsgrunnlag (§ 8), føre-var-omsyn (§ 9), samla belastning (§ 10), kostnader for å hindre skade på naturmangfald (§ 11) og miljøforsvarleg teknikk/driftsmetode (§ 12).

Statsforvaltaren si vurdering

Formålet med fredinga av Småvollen naturreservat er å ta vare på ein floristisk interessant almeskogslokalitet i den indre delen av Sunndalen med det naturlege plante- og dyrelivet.

Når det gjeld insekt er det ikkje registrert raudlista insektartar innanfor reservatet. Like utanfor reservatet er det fleire registreringar av mnemosynesommerfugl. Mnemosynesommerfugl har status som nær trua (NT) på raudlista, og er freda. Innsamling av denne arten vurderer vi difor som uaktuelt. I forvaltningsplanen for området er det referert at området er vurdert til «å ha godt potensiale for kravfulle vedlevende insekter med dagens tilstand, og meget godt potensiale på sikt hvis skogen får stå i fred»

Statsforvaltaren ser positivt på at insektfaunanen i Småvollen naturreservat blir kartlagt. Det vil auke kunnskapsgrunnlaget om artsmangfaldet og bidra til betre forvaltning av området. Det er sett vilkår



om at alle funn blir registrert i Artsobservasjoner. Vi kan ikkje sjå at vitskapleg innsamling av insekt er i strid med verneformålet eller vil påverke verneverdiane i reservatet nemneverdig. Innsamlinga gir heller ikkje nemneverdig auke i samla belastning på verneområdet, eller på førekomstar av aktuelle insektartar lokalt, regionalt eller nasjonalt, jf. nml § 10.

Statsforvaltaren ser på kunnskapsgrunnlaget som godt (nml § 8), og føre var-prinsippet får ikkje vekt (nml § 9). Vi kan ikkje sjå at prosjektet inneber behov for særskilte vurderingar knytt til nml §§ 11 og 12.

Vedtak

Steffen Adler og deltakarane på nettverkssamlinga får dispensasjon til å samle inn insekt i Småvollen naturreservat. Dispensasjonen omfattar ikkje mnemosynesommerfugl. Heimel for vedtaket er § 48 i naturmangfaldlova.

Vilkår

- Mnemosynesommerfugl skal ikkje samlast inn, og eventuelle individ som går i lysfelle eller hamnar i insekthoven skal straks settast fri.
- Ved funn av raudlista insektartar der innsamling kan ha stor negativ påverknad på bestanden i området skal desse settast fri.
- Alle artsfunn skal registrerast i artsobservasjoner.no.
- Løyvet gjeld for feltsesongen 2022.
- Ein kopi av løyvet skal vere med i felt for å vise fram ved kontroll.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Ulf Lucasen (e.f.)
assisterande miljøverndirektør

Bjarne Otnes
fagleiar

Dokumentet er elektronisk godkjent

Kopi til:

SUNNDAL KOMMUNE
STATSFORVALTEREN I TRØNDELAG
OPPDAL KOMMUNE

Postboks 94
Postboks 2600
Inge Krokanns veg 2

6601 SUNNDALSØRA
7734 STEINKJER
7340 OPPDAL